



**Board of
Directors**

Haris Alibašić
President

Meliha Pihura
Vice President

Ferid Sefer
Secretary

Uzeir Ramić
Treasurer

Semir Đulić
Spokesperson

**Amir
Makarević**

**Burhan Bey
Husika**

**Daniel
Toljaga**

**Dževad
Burić**

**Hamdija
Čustović**

**Haris
Šuko**

**Kemal
Hamulić**

**Mirsad
Smajić**

**Rusmin
Topalović**

**Sanel
Babić**

22. Februar 2010

**Saopćenje Kongresa Bošnjaka Sjeverne Amerike (KBSA) Povodom Dana
Neovisnosti Bosne i Hercegovine**

Prije osamnaest godina, 29 februara i 1.marta 1992, bosanskohercegovački građani su se, slijedeći preporuke Arbitražne komisije Međunarodne konferencije o Jugoslaviji, dvotrećinskom većinom putem referendumom izjasnili za neovisnu, suverenu, demokratsku, samostalnu i cjelovitu BiH.

Poštujući referendumom izraženu volju građana BiH, Vijeće ministara Evropske unije 6. Aprila 1992 donosi odluku o međunarodnom priznanju Republike Bosne i Hercegovine koja 22.5.1992 Rezolucijom Ujedinjenih Nacija br. 757 postaje 177-ma punopravna članica Ujedinjenih Nacija (UN).

To su činjenice koje je historija zabilježila i koje nikakva politika negiranja ili nepriznavanja Dana neovisnosti BiH ne mogu opovrgnuti ili izbrisati. Ta fakta nisu pisana samo tintom u raznim aktima i pohranjena u arhivama već i krvlju bh građana i patriota koji su postali žrtve otvorene agresije velikodržavnih planova susjeda ali i svjedoci i branitelji njene hiljadugodišnje postojanosti, tradicije suživota i multikulturene esencije. Protivnici tog bitka bosanskohercegovačke postojanosti i opstojnosti svoje moralno i ljudsko pa i vojničko dno dosegli su činom genocida ostavljajući svojim potomcima stid kojeg sami nisu spremni prihvatiti i priznati.

Dejton jeste zaustavio rat ali žrtvama nije dao pravnu ni moralnu satisfakciju, čak što više, pojedinim njegovim odredbama žrtve su još jednom ponižene. Agresoru je omogućeno da odlučuje o sudbini i budućnosti žrtve, zločincima udoban smještaj, male kazne, političku rehabilitaciju i slobodu a državi BiH reduciran suverenitet koje sve članice UN na osnovu Povelje i odredbi Međunarodnog prava uživaju. Presuda Evropskog suda za ljudska prava u Strazburu samo potvrđuje diskriminatorne odredbe Dejtonskog sporazuma i nužnost njegove suštinske a ne samo formalne promjene.

I danas smo svjedoci postojanja i djelovanja nasljednika politike mržnje, teritorijalnog ekskluziviteta i etničkog čišćenja, segragacije i aparthejda koja krši i guši građanska prava sprečavajući državu i njene građane da budu suvereni na cijelom teritoriju BiH. Svakako da najveću odgovornost za takvo stanje snose domaći političari i Međunarodna zajednica koja je kreirala uvjete za njihovo djelovanje, ali je sigurno da

**Board of
Directors**

Haris Alibašić
President

Meliha Pihura
Vice President

Ferid Sefer
Secretary

Uzeir Ramić
Treasurer

Semir Đulić
Spokesperson

Amir
Makarević

Burhan Bey
Husika

Daniel
Toljaga

Dževad
Burić

Hamdija
Čustović

Haris
Šuko

Kemal
Hamulić

Mirsad
Smajić

Rusmin
Topalović

Sanel
Babić

dio krivice snosi i mnogobrojna dijaspora koja svojom pasivnošću i izbornom apstinencijom doprinosi produženju takvog stanja. Nadamo se da ćemo učešćem na ovogodišnjim izborima u BiH iskoristiti svoju građansku obavezu i pravo i pokazati da je BiH neovisna i suverena država zato što to njeni građani, ma gdje bili, žele i potvrđuju.

Dan neovisnosti jeste, uz Porfirogenitovo izdavanje "rodnog lista" BiH 955-te, Povelje Kulina bana 1189-te, ZAVNOBiH 1943-će, jedan od najznačajnijih datuma u historiji BiH.

Tim povodom UO KBSA svim građanima BiH čestita Dan neovisnosti uz poziv da prigodnim manifestacijama u svojim sredinama obilježimo ovaj praznik i svojom aktivnošću učinimo sve da ovaj datum bude priznat i obilježavan na čitavom teritoriju Bosne i Hercegovine.

DOMOVINO, SRETAN TI DAN NEOVISNOSTI!

UO KBSA